

Leiðbeiningarnar eru til stuðnings vinnulýsingu um framleiðsluleyfi fyrir sérmarkaði ([VLY-047](#)).

Kröfur fyrir fiskafurðir

- a. Öllum sendingum til Kína þarf að fylgja opinbert heilbrigðisvottorð.
- b. Gerð er krafa um skráningar, sem skiptast í þrennt:
 1. Skráning fyrirtækja sem framleiða fiskafurðir sem ætlaðar eru fyrir Kínamarkað.
 2. Skráning viðskiptaaðila, þ.e. útflytjenda („exporters / traders“) á Íslandi og innflytjenda („importers“) í Kína.
 3. Skráning fiskafurða miðað við fisktegundir og vinnsluáðferð vegna útflutnings til Kína.

1. Skráning fiskvinnslu

Framleiðslufyrirtæki sem framleiða fiskafurðir sem fluttar eru til Kína, þurfa að vera skráðar hjá yfirvöldum í Kína. Matvælastofnun (MAST) hefur milligöngu um skráningu. Umsókn um skráningu er send MAST í gegnum þjónustugátt, sjá <https://umsokn.mast.is/>

2. Skráning viðskiptaaðila

Viðskiptaaðilar sem koma að Kínaviðskiptum, (þ.e. útflytjendur á Íslandi og innflytjendur í Kína), skulu vera skráðir hjá innflutningsyfirvöldum í Kína. Skráning þessi er í gegnum kínverska heimasíðu og er þeim sem ætla að skrá sig bent á að fá aðstoð hjá viðskiptafélaga í Kína eða öðrum þar sem hluti skráningar kann að vera á kínversku, sjá <http://ire.eciq.cn>
Nauðsynlegt er að varðveita númer sem verður til við þessa skráningu, þar sem það gildir hver sem viðtakandinn er af vörinni.

3. Skráning fiskafurða

Í gildi er listi yfir þær afurðategundir sem flytja má út frá Íslandi til Kína (listinn er í vinnslu). Umsóknir um nýjar afurðategundir fara í sérstakt áhættumat í Kína. Hluti af slíku mati er síðan úttekt hér á landi af hálfu kínverskra yfirvalda. Kostnaður vegna slíkrar úttektar skal greiðast af viðkomandi hagsmunaaðilum.

Umsóknar- og tilkynningarferli

- a. Fyrirtæki sendir umsókn í Þjónustugátt MAST um leyfi til að flytja íslenskar dýra-/fiskafurðir á Kínamarkað. Sjá <https://umsokn.mast.is/>
- b. Ábyrgðarmaður máls hjá MAST fyllir út umsóknarblað og útbýr bréf með umsókn til kínverskra yfirvalda (–General Administration of Customs of the People’s Republic of China No.6 Jianguomennu Avenue, Dongcheng District, Beijing China) þar sem mælt er með að fyrirtækið fái leyfi til að flytja fisk og fiskafurðir til Kína og verði sett á lista yfir fyrirtæki sem hafa leyfi til að flytja fisk og fiskafurðir til Kína. Sjá Staðlaðan texta í málaskrá: Umsóknarbréf til CNCA. U drif / sérmarkaðir / Kína / staðlaður texti og form / Umsóknarblað - fiskvinnsla
- c. Bréfið og útfyllt umsóknarblaðið er skannað og sent í tölvupósti til viðskiptafulltrúa [Íslenska sendiráðsins í Peking](#), með beiðni um að koma umsókninni áfram til kínverskra yfirvalda. Umsóknarblaðið er sent bæði sem Excel skjal og pdf skjal.
- d. Ábyrgðarmaður máls tilkynnir fyrirtækinu að umsóknarbréf hafi verið sent til Kína.
- e. Ábyrgðarmaður máls fær tilkynningu frá Íslenska sendiráðinu í Kína um að fyrirtækið hafi verið sett á lista yfir íslensk fyrirtæki sem hafa leyfi til að flytja fisk og fiskafurðir til Kína.
- f. Ábyrgðarmaður máls tilkynnir fyrirtækinu að fyrirtækið hafi verið sett á listann.
- g. Ábyrgðarmaður máls sér um að uppfæra lista á heimasíðu stofnunarinnar yfir fyrirtæki sem hafa leyfi til að flytja afurðir til Kína. <https://skyrslur.mast.is/additionally>

Ábyrgðarmaður máls útbýr og uppfærir lista yfir afurðir sem má flytja til Kína.